

武昌縣志

下冊

新學社

PDG

武昌县志卷十九

人物 儒林

晋

孟陋字少孤武昌人吴司空宗之曾孙兄嘉桓温征西长史

案嘉字万年刘义庆世说新语万年游宦

有盛名当世少孤未尝出京邑人士思欲见之乃遣信报少孤之兄病笃狼狽至都时贤见之者莫不嗟重因相谓云少孤如此万年可死

陋少而贞立清操绝伦布衣蔬食

以文籍自娱口不及世事未曾交游时或七钓孤兴独归虽家人亦不

知其所之也丧母毁瘠殆于减性不欲酒食肉十有馀年亲族迭谓之

曰圣人刺礼令贤者俯就不肖企及若使毁性无嗣更为不孝也陋感

此言然后从吉由是名著海内简文帝辅政命为参军称疾不起桓温

躬往造焉或谓温曰孟陋高行学为儒宗宜引在府以和鼎味温叹曰

会稽王尚不能屈非敢拟议也陋闻之曰桓公正当以我不从故耳亿

兆之人无官者十居其九岂皆高士哉我疾病不堪相王之命非弘敢

为高也 案袁弘孟处士铭称疾不至相府历年虚位而澹然无闷毕不降志由是名称益重博学多通长于三礼注论语

行于世卒以寿终

晋书隐逸传案晋书列孟陋于隐逸康熙府志列儒林今从府志又府志称陋为江夏人晋书以陋为武昌人太平寰宇记輿地纪胜均同袁弘刘义庆皆以为武昌阳新县人盖孙吴折汉下雒鄂县地置阳

新县其治所在今兴国州境四至则武昌大治兴国通山并有其地今兴国<sub>有</sub>阳辛里辛即新之讹也<sub>餘详交苑孟嘉传</sub>

宋

邵应豹字起南号菊逸先世淳安人祖搢父如虎以曾祖宁乡县丞尚志历官湘汉间乐武昌风土家焉至应豹登嘉熙二年进士初任玉沙

案今沔阳

簿尉调常德司户转知江夏母老辞禄侍养时同年丁大全贾似道

当路薰灼应豹独绝之自幼笃孝母病医须鹄肉和药应豹默祷有鹄夜自投其室疾寻愈后两淮制置大使李庭芝辟知宝应县又辟主管机宜文字庭芝调京西京湖皆参军事多所赞画咸淳十年除淮东制置大使司参谋主管官辞免转知浚州军州事皆有惠政德祐二年帝显北行庭芝捣瓜州将夺两宫还不克阿珠请太后及帝谕降庭芝不受诏死之应豹闻之弃官还武昌杜门谢客遂不复出宋世历阶中奉大夫兼管内劝农营田使节制军马赐紫金鱼袋爵淳安县开国男食邑三百户其出处进退皆能守礼度义生于宁宗嘉定四年卒于元成宗大德九年九十五卒之岁以画像寄从孙桂子自赞曰吾貌固如

此吾衰已久矣寿如卫武公爵德非敢拟一言可终身不愧屋漏耳知我者其准元同老孙子桂子字德芳淳安人咸淳七年进士处州学教授德祐末解官郡守方洪倪澄余应中宪使赵与檠钟秀五交荐不起家居创书院曰古香斋曰元同堂曰乐寿方回何梦桂戴春元各为之记大德丁未作玄宅志拟挽诗卒于元武宗时盖亦宋之遗民元之高士也

一统志 邵氏谱 邵志 案熊邵志均列仕迹今从府志入儒林又明统志严州府人物以应豹为淳安进士金判汉阳军知昭州致仕邵拱孙考邵氏谱拱乃应豹之从祖也明统志误

张山翁字君寿其先普州人

案府志作晋州误

宋理宗景定三年进士为荆湖宣抚

司干官度宗咸淳十年冬

案府志作德祐元年误盖恭帝既立明年乃改元也

鄂州降元巴延使行省右丞阿

尔哈雅成鄂遂引兵东下鄂恃汉阳为蔽及京湖之援朱祀孙既遁汉

阳复失鄂势遂孤吕文焕列兵城下招谕权守张晏然与都统程鹏飞

度不能守议纳款时山翁为幕僚以书让之晏然既降山翁独不屈元

诸将请杀之丞相伯颜曰义士也释之

案通志作巴延曰义士也府志作行省官贾思贞义之贷不杀

后居黄鹄山聚

徒教授有南纪缙林

案此取孔子游缙帷之林弟子读书语云

藏云山相锄诸编其永州路学祭器记

曰樊明甫

案樊名炳字名甫

刺永之三年毁淫祠崇明祀治教一新顾礼器苦麻弗

称乃募工于庐陵市贡馀于九牧案博古款识躬行考订俾郡博士黄霖龙董其事范尊罍豆洗爵坫簋簠二百四十有二筮俎篚幕亦一新之麋楮镒二千五百缗有奇既成博士贻书武昌请记其实将勒石以诏无穷惟仲尼述虞夏商周之道轨范万世则备物之殫以象其德当用四代之器泰有虞氏之尊也山罍夏后之尊也著殷尊也牺象周尊也爵簋豆俎皆从周龙勺夏也历世帝王文质之宜先儒中<sub>一作甲</sub>言之旧已独牺象之制有可疑者泰无识著无禁罍图山云于腹则牺象之图形正也自王肃得金牛金象于墓中以明器準祭器遂启后世之疑然言牺象负尊今诸郡置酒于牺象之腹中则又失王肃之旨矣故有龙勺大尊罍小之讥呜呼明器鬼器也祭器人器也仲尼以万世为一朝则仲尼万世如生奈何以明器享之乎此余以图山云牺象于尊腹者为正也虽然仲尼尝曰吾食于少施氏而饱少施氏食我以礼礼有本有文器礼之文也敬礼之本也至敬无文二簋可用享而况四代之器参错陈前耶樊侯在湖湘为良二千石而春秋丁巳<sub>一作祀</sub>为朝廷重典侯

暨乃僚我将之心无未灌既灌之分博士诸生各执其事交乎户阶视少施氏不既多乎洞洞乎其敬也属属乎其忠也勿勿乎其欲其殮之也忠敬在我享之在神君子尽其在我而已心之精神是谓圣人仲尼之精神昭回于天森布于地粲然著见于六经万世一日焉知其不殮之乎不独仲尼有精神也人皆有之慢则散敬则聚行祀事者本敬以聚之则吾心之精神贯通无间仲尼之饱将如少施氏礼器为不虚作

矣

宋史瀛国公纪 康熙湖广通志 案康熙府志嘉庆通志山翁入江夏流寓邵志以为县人入选举表不知何据又通志以明甫为明府以款识为多识以泰无识为无讥不知无识之识即谓款识也此皆校讎者之失也

明

柳东字寅宾神山乡人五世祖文焕高祖萌曾祖志智俱诸生祖鏜廩膳生父郡诸生家传诗礼而自鏜以来尤潜心理学东幼颖敏鏜督之严母彭早世事祖若父及后母吕孝谨及长补诸生试辄高等其时常德蒋信字卿实尝从王守仁游后从湛若水游最久自贵州提学副使归集髦士讲学鏜命东往从之游归而述所闻祖若父皆喜其学有进也万历十九年举于乡鏜年已九十六矣东再试礼部不第谒选授四

川渠县知县考满膺荐丁父艰归服阙得陝西神木知县所致集诸生讲学士风丕变而吏猾民奸亦每于讲席中得其实悉案如法民皆悦服尝揭明伦堂教诸生曰先师道林蒋先生甘泉湛先生门人也其教人宗旨以为孔门之学只在求仁仁者以天地万物为一体世人从形骸上起念所以隔了许多藩篱今欲复之从何入盖知天地万物为一体方能以天地万物为一体学者须收拾亥子之中澄然静坐忘助两无顺其自然有一点己私起即于几上迅埽之如将克敌以默识本来大公本体识得后时时刻刻慎独而缉熙之由此日就月将渐入熟处恍然见宇宙一身工夫即本体矣如此方是知止方是默识方是默成方是博约同功敬义一齐俱到视民如伤老安少怀中和位育实用从此流出合内外而一之与天地合德者也舍乎此则二氏矣何也盖吾儒之觉体万物以为公二氏之觉外一身而守寂其公私大小不同故耳太极定性西铭等书备言此意白沙阳明甘泉诸先生言虽不同总是一旨学者口耳鲁论不达此义不知欲立立人欲达达人孔子已真

切示人他如车裘共弊愿无伐善施劳与夫一贯忠恕修己安人之说  
无非发明一体之义吾师超然神悟举其自得宗旨以示门人愧不肖  
至今负之窃思孟子谓人之所以异于禽兽者几希又曰放其心而不  
知求哀哉吾人安可不惕然猛省况此学一明发之文章则为道艺措  
之事业则为德行可以继往开来至易至简何惮而不为哉不肖白首  
尚期与同志共勉焉幸人各识其心而慎独以造其极庶学术不差矣  
康熙后以疾乞归道卒寿七十五子扶棹归宦橐惟琴一张书数车而已

弟三采诸生果不遇其孙皇序以孝称自有传梁亦诸生子二答阳复

阳俱庠生孙五炜煜燧引虹炳炜引虹庠生

王志稿案郡志耆硕柳镗传以东为镗子考柳氏谱东为柳郡子实镗孙也郡志云镗号月池东乡荐

时镗年已九十六谱则称镗号竹溪郡字一峰号月池寿九十九不纪镗年且载县志镗传易镗名为郡而全录原文窃疑镗传误记郡号课子东甚严句当为课子郡孙东甚严而脱郡孙二字柳氏子孙以镗至东中脱一世疑志误以郡为镗而不察九十六为镗祖见孙举之年则亦误矣谱载王游补撰东传亦多失考而府志载东文实体验有得之言有功正学故备录之

### 国朝

汪宗友字文子洪道乡人其地有水月庵因自号月庵明万历四十四  
年丙辰有群鹤数百巢于其林里人异之宗友以是岁生幼颖敏读书



一过即成诵甫成童博通经史尤笃内行学以程朱为宗文以周秦两汉为法尝曰读圣贤书而行实悖之不读书可也弱冠补诸生食饩事亲孝养无违居丧哀毁兄弟五人宗友年三十馀有一兄两弟之丧期服除犹悲哀幼弟婚毕将析居劝之不听乃多割膏腴产予之岁俭助之金粟久益不振复招之同居曰人苟薄于同气读书万卷奚益族繁散居武昌大冶两县境宗友刻期岁一再会省祖墓肃家规欲仿范氏义田法而力未逮也外舅赵翁富而无子以置产宗友名署契付之执盖已授之矣及赵翁歿宗友召其族子曰此汝赵氏物我何用为悉举以归之一日晨起读书有蛇堕肩上不惊蛇徐堕地去又尝读书夜半闻推门有声宗友疑馆童求火启户视之则虎也笑曰汝从何来汝来何意虎闻之遽去徐阖户了无怖意族子某薄暮过神庙忽踏地语诵诵不可辨问之不应逾时忽言曰月庵叔至神当贷我宗友闻之往祷立苏时人为之语曰汪公学道一岁三异驯毒服猛鬼神辟易时顺治十三年也为诸生数十年一字不入公门知县熊登拔其子泌冠童子

军尝造其庐与谈经宿而别叹曰真君子人也吴三桂叛人心惶懼毅然断其无成卒如其言夏逢龙之变县城陷人思远徙宗友屹然不动后知县乔文锦以洪道乡兵复城宗友有力焉事后人服其先见宗友曰人苟读书明理事至物来自不忙乱耳生平方正易直喜扬人善亦不容人过小善必录小过必斥斥已不留芥蒂于胸虽盛怒之下旋讽诵如平时每出人望其道貌莫不加敬薰其德而善良者众矣应举十馀次不遇绝无怨尤曰命也康熙七年戊申岁贡后当得官以年老不求仕课孙自乐三十二年癸酉堂产白燕笑曰此何祥也作诗记之年踰八十精力康强犹好学不倦如少时三十七年戊寅卒寿八十三妻赵氏事孀姑以孝称子泌自有传孙鹤年嵩年咸孝谨有家凤云

王志稿

张官德字次功马四里人幼而响学年十六见刘宗周人谱类记瞿然曰学也者学为人期至于圣贤也岂第弋科名哉于是发愤攻苦立省过簿凡旦昼所为与意念之所动夜坐静思偶有不合必记之不使复萌而后快盖其为学以克己为先以力行为本成童时已如此母徐嬰

笃疾昼夜侍不稍懈母喉糜艰食饮官德焚香自刺其舌亦不食母没  
擗踊号泣终身矐目疾携季弟同苦块啜粥水十有三月丧葬如礼既  
补弟子员从麻城袁铤游乃益穷究经义沈潜玩索虽一句一字不肯  
轻忽学有心得为札记名自醒语录道光十五年湖北大旱有剧盗万  
四保啸聚数百人踞武昌咸宁界肆行劫掠官德集两邑毗连诸里壮  
丁合为团众推官德总其事立擒四保及其羽党解省伏法馀匪逃散  
二十八年大水岁歉江夏县所属之法泗洲卤湖一带有贼舟劫行旅  
官德请有司密擒奸之二十九年己酉举于乡粤寇至避地陕西兴安  
州关南人士闻官德至群执贄门下请主讲安康兴贤学舍千里而内  
负笈从游者数百人踵相接至舍不能容多旅居外馆者官德教人先  
端其趋向使知立身之要于群经外以朱子小学近思录令其熟读玩  
味每讲说圣贤义理必向浅近处反复譬喻使从日用伦常中体会尤  
切究者则易传西铭格物论定性篇识仁说好学论义利辨学者奉为  
宗主故无歧途之惑同治元年冬粤匪窜郟阳兴安城陷时湖北贼退

乃携家返里葺祖祠修谱牒劝族中之有力者合捐巨款置庄田百餘亩为义产凡族中鰥寡老弱无食贫不能读赋税无著者皆取给焉知县凌心垣以采访邑中节烈贞孝妇女事倭官德时年已七十餘扶杖经行严霜烈日中穷乡僻壤无不至胥吏感化无取规费者数年得千餘人上有司请于

朝得

旨旌表建坊入祠如例湖北巡抚胡林翼陝西巡抚谭廷襄两广总督英翰安徽布政使吴坤修江西巡抚李文敏先后聘延咨访时政皆不至乃取自醒语录分类编次更名学思录三卷复取课徒所授宋儒精要诸篇为五子会要一卷又著课蒙易晓一卷课士题解一卷六壬辨疑四卷毕法案录二卷训女庸言一卷晚年尤好易未尝释手以谈易家专主错综不免支离穿凿有戾圣言遵

御纂折中程传本义复采诸儒言理言象深合四圣之旨者为易经集注六卷学易门径一卷周易补注一卷以礼记多汉儒讹说删其谬戾

繁尤为礼记选约六卷光绪八年主讲南漳县凤山书院以疾卒年七

十有八子元溥安徽候补巡检署盱眙县典史卒于任喜溥诸生惠溥

中书科中书新纂 文藻 高 李 潘 言 史 李 言 嵩

文藻 高 李 潘 言 史 李 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

潘 言 嵩 潘 言 嵩 潘 言 嵩 潘 言 嵩 潘 言 嵩 潘 言 嵩

武昌县志卷十九 同 潘 言 嵩 潘 言 嵩 潘 言 嵩 潘 言 嵩

武昌县志卷二十

人物 文苑

晋 陶渊明征西大将军长史孟府君传作江夏鄂人晋书作江夏郡人考晋书地理志江夏郡无鄂县而武昌郡有

孟嘉字万年 案陶渊明征西大将军长史孟府君传作江夏鄂人晋书作江夏郡人考晋书地理志江夏郡无鄂县而武昌郡有之则陶集或系刊本之误也世说新语作武昌人又嘉弟陋为阳新人详儒林传而陶集叙占籍之由尤为明悉嘉

为渊明外祖其传可凭故不复依晋书也曾祖宗一名仁以孝行称仕吴司空祖父揖 案邵志作父揖误晋元康中

为庐陵太守宗葬武昌阳新县子孙家焉遂为县人也嘉少失父奉母

二弟居娶大司马陶侃第十女闺门孝友乡间称之冲默有远量弱冠

俸类咸敬之太尉庾亮镇武昌並领江州辟部庐陵从事下郡还都亮

引问风俗得失对曰不知还传当问从吏亮以麈尾掩口而笑语弟翼

曰孟嘉固是盛德人时亮崇修学校高选儒官以嘉望实故应尚之举

太傅褚裒有器识时为豫章太守出朝宗 案世说新语作罢豫章还过武昌亮正旦大会州府

人士率多时彦嘉坐次甚远裒问亮江州有孟嘉其人何在亮曰在坐

卿但自觅裒历观指嘉曰此君小异将无是乎亮欣然而笑益器焉后

为征西大将军桓温参军温甚重之九月九日温游龙山参佐毕集有

风吹嘉帽堕落温目左右及宾客勿言以观其举止嘉初不自觉良久如厕温令取以还之廷尉孙盛时在坐温命纸笔令嘲之嘉见请笔作答了不容思文辞超卓四座嗟叹转从事郎中迁长史在朝隤然仗正顺而已门无杂宾尝会神悟独得便超然命驾径之龙山顾景酣宴造夕乃归温从容谓嘉曰人不可无势我乃能驾御卿后以疾卒年五十

一案晋书作年五十三

嘉行不苟合言不夸矜未尝有喜愠之容好酣饮逾多不乱温

尝问嘉酒有何好而卿嗜之嘉笑曰明公但不得酒中趣尔又问听妓系不如竹竹不如肉答曰渐近自然奉使京师孝宗穆皇帝闻其名赐见东堂辞以脚疾诏使人扶入中散大夫桂阳罗含赋之曰孟生善酣不愆其意太常陶夔尝问光禄大夫南阳刘耽嘉若在当已作公否答

云此本是三司人为时所重如此

陶渊明集晋书桓温传案江夏志孟嘉传庾亮领江州辟为阳新令杜撰无据吴国伦甄甄洞稿中亦以为阳新今盖野老传闻而未之审也

戴凯之字庆豫一作豫武昌人著竹谱一卷晁公武郡斋读书志邓琬遣凯之为南康相世

子攻之凯之战败遁走

宋书邓琬传

孟云卿武昌人第进士擢校书郎与杜甫元结最相友善甫服其稽古

有孟子论文更不疑之句

万姓统谱 案唐诗纪事云卿河南人元次山送孟校书往南海云卿与次山同州里钦定全唐诗及姓谱皆以为平昌人而袁郊甘泽谣称陶峴开元中与樊口进士

孟云卿奏清商曲于江湖号水仙是云卿为武昌人矣

宋

史辞武昌人有和苏唐卿刻醉翁亭记诗为时传诵

厉鄂宋诗纪事引篆书醉翁亭记石刻

元

邱堂延祐二年同茶陵陈谊高体陵冯福可试云梦赋文词瞻丽与衡

山何克明並擅名

案克明亦有云梦赋则亦同试也

当时称邱何

雍正湖广通志

任平江判

邵公任字诚之应豹兄应雷之曾孙祖閻孙荆门军长林县主簿父宁

子未仕公任治尚书登至正二年进士授武冈路录事有暘谷赋

邵氏谱

李瑾泰定三年乡举与蒲圻江

案熊志作汪误

存礼王廷扬试大别山赋考官揭

奚斯称之

廖道南楚纪 案蒲圻志王廷扬至治三年乡贡试登瀛洲赋考官龙仁大夫加称尝江存礼泰定三年中乡试试大别山赋考官揭奚斯彭楚玉称之考元文选有李瑾聂炳周镗江存礼大别山赋熊志李瑾中泰定科第一聂炳第三江存

礼第十八又云王廷扬至治举人所著有登瀛赋盖因李瑾而类及之也邵志遂概以

明

为县人又于李瑾等名下皆加一中字殊误廖道南为蒲圻人其时去元不远当不误



胡文寿字仁夫高祖朝颖宋庆元中令武昌罢官后遂家于金牛镇文  
寿生而颖敏笃志于学登元至正间乡贡授龙川书院山长明授本县  
训导诱掖不倦著作多散逸存者惟樵楼上梁文西山寒溪诸作而已

邵志

张锺灵字白湖邑之白浒镇人为人孝敬高素慨风匡物先哲大儒居  
然自待苍苍见于脉歌表章之中而追声成响迫志成声有与先后文  
人往往而遇者领解后读书力行绝意进取著有白湖诗文遗稿竟陵

谭元春为序刊行之孙维龄字武仲诸生

邵志 张旋均湖  
北诗佩 王志稿

熊泰字元交聪慧纯粹善属文知县聂贤每加优礼登弘治进士观政  
而卒人咸惜之

熊志

熊焯字可微号心轩以文学承荫生恬淡高洁父桴督师广东焯从之  
桴卒幕府一介无所私所馀金钱十馀万尽发藩司桴初至粤属僚制  
有象牙床诸珍物桴清峻不敢献至是並贖贖陈之焯曰大中丞且  
清约若布素我布素安用之诸君意良厚焯敢以累府君清德乎並贖